

obscurius, tibiis pallidius testaceis, his nigro-spinulosis, apice anguste fusco, tarsis testaceis, apice fuscis; antennis articulo primo fusco-nigro, secundo testaceo, latitudini verticis oculique unici aequae longo, versus apicem sensim incrassato ibique primo aequae crasso, ultimis fuscescentibus; vertice (♀) oculo circiter duplo latiore; pronoto basi longitudine duplo latiore. ♀. Long.  $2\frac{1}{2}$ , lat.  $1\frac{1}{3}$  mm.

Cornu Vacca, unica femina.

Caput vertice (♀) oculo circiter  $\frac{2}{3}$  latius. Antennae articulo secundo latitudine verticis oculique unici parum longiore, duobus ultimis simul sumtis secundo parum longioribus. Pronotum basi longitudine paullo magis quam duplo latius. Tibiae spinulis e punctis minutissimis fuscis nascentibus.

*Rhinacloa forticornis* Reut.

Orizaba, Puebla, m. Februarii 1883.

*Rhinacloa pallida* n. sp. Ochracea, oculis nigro-fuscis; antennis (♂) articulo primo toto secundique  $\frac{2}{5}$  basalibus ochraceis, hujus  $\frac{3}{5}$  apicalibus nigro-fuscis; scutello plagaque interiore corii a parte ejus tertia basali ad angulum interiorem cunei ducta fuliginosis; mesosterno medio nigro-fusco; segmento maris genitali fuliginoso; pedibus pallide ochraceis, anterioribus innotatis, solum extremo apice tarsorum fusco, femoribus posticis apicem versus punctis nonnullis praecipue marginalibus nigris, tibiis sat longe nigro-spinulosis, spinulis tibiarum posticarum e punctis sat parvis nigro-fuscis nascentibus. ♂. Long.  $2\frac{1}{3}$ , lat.  $\frac{4}{5}$  mm.

Orizaba, m. Decembris, unicus mas.

Caput verticale, maris basi pronoti circiter  $\frac{1}{4}$  angustius, ab antico visum latitudini frontis oculique unici vix aequae longum, vertice oculo fere  $\frac{1}{3}$  angustiore; infra oculos vix productum. Oculi laeves, maris maximi, tota latera capitis occupantes, in vertice sat fortiter appropinquati, orbita interiore longe ultra medium paralleli, dein sinuato-emarginati. Rostrum coxas posticas attingens. Antennae in sinu oculorum insertae, articulo primo apicem clypei paullulum superante, secundo maris latitudini capitis cum oculis aequae longo, sublineariter incrassato. Pronotum basi longitudine paullo magis quam duplo latius. Scutellum pronoto aequae longum. Hemelytra maris abdomen longe superantia. Femora postica sat fortiter incrassata.

Forsitan cum *Demarata mirifica* Dist. identica.

*Rhinacloa melanotelus* n. sp. Ovalis, piceo-nigra, nitida, hemelytris pilis adpressis pallide aureis sat dense pubescentibus, antennis articulis duobus primis (ultimi desunt) pallide flavis vel ochraceis, articulo secundo latitudine verticis oculique unici aequae longo, versus apicem sensim sat fortiter incrassato et apice primo crassiore (♀),  $\frac{1}{3}$ — $\frac{2}{5}$  apicalibus nigris; femoribus cum coxis piceo-nigris, apice flavente, tibiis posticis (anticae desunt) nigro-piceis, apicem versus testaceis, tarsis pallide flavo-testaceis, ipso apice infuscato; vertice (♀) oculo fere duplo latiore, margine tenui; pronoto disco postico ruguloso. ♀. Long. 2, lat.  $1\frac{1}{5}$  mm.

Orizaba, m. Februarii, 2 ♀♀.

*Rhinacloa incerta* n. sp. Oblongo-ovalis, nigricans, antennis nigris (articuli ultimi desunt), articulo secundo latitudini verticis oculique unici aequae longo, versus apicem sat incrassato ibique primo parum graciliore; hemelytris fuscis, corio basi et juxta suturam clavi sordide pallido, versus latera cuneoque nigro-fuscis, membrana fumata; femoribus cum coxis nigro-fuscis, tibiis pallide flaventibus, nigro-spinulosis, anticis inpunctatis, posticis spinulis nigris crassitie tibiae vix longioribus, e punctis sat